

兩  
浙  
輶  
軒  
錄

兩浙輞軒錄卷三十五目

吳鳳鑑 馮華 程之章 施鳳起 徐紹鑑

曹延宗 許飛鵬 曹長泰 沈孫璉 鍾錫圭

余永森 徐鼈 汪國 沈維基 周世武

姚思勤 沈之鴻 鄭濂 孫錡 沈景良

胡濤 翟振 汪日贊 張泰 唐澧

沈鵬 高繩武 高順 毛陳謨 吳爲金

程樹本 李鑒 陳謝駟 韓芝眉 何紀堂

錢受毅 錢世培 沈祖修 李大翰 李大恒

盧永章 盧紱 俞葆寅 鄭之翀 傅文光

陳聖修 王學濂 趙廷璋 沈映桂 盧潮生

潘成年 桂廷蘭 時長延 黃雲章 范永潤

黃聚奎 宋岳 郭夢元 羅福 袁夢化

李秀銘 施承烈 黃基 湯雯榮 湯奕采

張賓鶴 張淇 吳懋蕃 傅調梅 章汝桐

王模 方志維 郭象泰 陳文烈 曾需璋

湯萼棠 俞廷樵 沈可培 朱維詰

兩浙輶軒錄卷三十五

督學使者阮元訂

吳鳳鑑

字厚子號雲邨烏程人乾隆丙子舉人官東陽教諭著雲邨詩稿三卷

至閬門宿桃塢值雨示南谷弟

枇杷樹底聲浪浪雨聲不絕客在牀十年前夢輒欲續身倦  
心安睡亦足明日遊山未可期我來正逢梅熟時且向閬門  
留信宿阮家兄弟心相知黃魚滿市酒滿卮何用躊躇搔鬢  
絲

春晚

一翻風後一翻雨九十春光去不遲閒手更攜敲石杖添身  
略看隔窗碁柳絲垂沼魚浮水花影搖堦鳥度枝病謝往來  
支倦枕細心自改去年詩

遊天竺歸途作

昨夜雲堂臥今晨驚嶺遊行逢花港鸞歸踏廟壩丹禪客長  
為市居人占得樓錢塘門外路片月近中秋

馮

華

字位三號秋船烏程人僑寓杭州乾隆庚辰舉人

官仙居教諭著有西江紀游稿中州集蓮樹詩鈔  
朱彭曰秋船登賢書後應咸安宮教習期滿選仙居教  
諭卒於官少年黃聲藝苑為齊息園張藻川兩先生所  
獎拔中歲游歷江右中州觀風覽古詩宗宋人而書法  
獨得唐賢矩度且好飲每當暇時作字必滿飲數觥以  
發其興司鐸仙居放情山水益沈湎于酒疾遂不起  
戴璐曰秋船家思溪少受業先外舅沈榆村先生長遷  
杭州習杭音庚辰與余同年在京龍巖自給酒後揮毫  
落紙典會尤高

抵袁州

瑞陽取次到宜陽秀絕雲山占一方郭外州江環曲折楚南  
嵐岫接青蒼燈明小閣千家夕草雜開花滿路香今夜卸裝  
何處宿宜春臺下景賢堂

文安溪館卽事

長安九載苦淹留，來就清溪客館幽。  
隔樹寒烟朝此嶺，當門春水晚浮舟。  
時繙架上新書帙，偶到橋邊舊酒樓。  
風外不嫌漁唱近，吾家原在白蘋洲。

程之章

字端民，號柯坪，仁和人。乾隆庚辰進士，官雲南知府。著《夷簞山房集》。

世襲雲南知府。著《夷簞山房集》。思既湛深，才尤警拔，其意之所到，又能曲折以達，其所欲言，新詩二卷，皆余所點定也。

寄懷橫塘胡二朗汀

東郭幽人宅，桑陰晝掩門。  
停雲低列嶂，落日澹孤村。  
野閣移帆影，橋平壓漲痕。  
定知吟興劇，叉手對籬根。

避世牆東客，耽吟洛下生。  
芸房抄木序，水艇狎鷗盟。  
風定釣絲直，雨餘竹簟清。  
亭山色好，涼翠撲簾旌。

爽籟山房題石成詩以落之

買山誰貰道林錢恍到仇池小有天一幃烟光分帖安二華  
雲氣暗鉤連嵌空巧絡藤條瘦潑眼寒捎竹影偏幻出蕭齋  
平遠景底須散策蹋層巔

二曜七星研歌爲意林外舅賦卽次田居集中用東坡

龍尾硯歌韻

手開青鐵世爭惜溫潤終慙和氏璧阿誰引手捫三辰奪得  
嫺皇煉餘石月阿日窟符天時七星珠綴編爛辭斷炊侍御  
昔寶此飽蘸墨壺飢不知山骨瘦劍銅雀垢冷面遭呵亦時  
有瘳牀竹几共摩挲獨究遺經嘆趙後田居刊陸氏三書繼囊曉裴  
天孫雲明河水滌無纖塵南華堂主得何處金聲玉德却配  
墜落欹崎人邱遲銘語妙難擇所刻刻衆快雪晴萃似股畫

請翁更買玉玲瓏

龔氏所齋玉玲瓏石朱宜和物也今在姚氏

試效奇章甲乙別

詠竹火籠同趙四

珍陳大昌圖

緯翠光瑩寒玉剡瑟瑟螺紋費縈綰辟邪鳧藻策勲同丁緩  
工良見應報一坎火蕤鵠鵠青紅泥鑪小圓腹停攜來藤柄  
屈月設界以鐵格疏風櫺寂寂秋心轉嶰谷板閣彎跼晴雪  
撲攏袖清宜柏葉薰烘簾煖稱蘆花褥回首桃笙古怨多辛  
勒灰裏撥陰何南朝宮體吟須穩寫寄湘江十幅波

以高麗狼尾筆胎施大

學濂

令弟

學韓

媵以長句

蒙將軍昔屯中山板毫載穎製始嫺何來方物跨海至墨華  
歎薄腥風寒吾聞扶餘啟字提封寬臣服百濟包三韓箕疇  
九數紹義盡歷漢唐朱孽教殫白殫紙潔鋪鏡面烏玉玦挺  
磨松丸皮盧一牀誇殊絕

高麗謂筆曰皮盧見孫穆雞林類事

月給不羨蘭臺



宮文犀翠羽裝行異截竹獨取捎雲竿虎僕毫過銳雞距力  
易屏腥腥毛掃禿躍躍兔嚙殘奎木一星擾天紀蜚弧光射  
滿月彎跋胡躄尾夜隨雨粟實解與文字共雕刻縛以雍羌  
縷膠以軒渠鸞蘸以溝瀆之夕漲架以神嵩之層巒傑者居  
前羈者後六寸之管塗朱般筆管或元或赤其色不一使錄常譏徐兢闕  
工名未審蔡藻刊銘若宿衛列戟攢健若俊鵬秋空盤圓椎  
柄盤撥鐙備側披金薤垂琅玕誰與巨手克稱此機雲麗藻  
於菟班朝呼銀鹿遣送似臨池想見清露溥期君肥阿寫統  
素定有好句畱風鬟用蔡松年使高麗贈館伎詞中語

舟過南屏

波光帖帖天鏡沈南山倒插綠玉簪沙鷗掠渚飛上下湖雲  
滃樹移晴陰松間僧擁貝多葉天外風吼蒲牢音斜陽一抹

掩眉碧堦影送客催清吟

南湖卽事

參覃夏木逕斜通玉照堂空剩釣筒小試竹爐烹雪乳水亭  
消受白荷風

施鳳起

字朗亭號客臺一號圖迂仁和人乾隆己卯舉人官江山教諭著山左白下明州三衢諸草及鐵關

泉齋癸卯春後編

周駿發曰客臺先生家杭之太平門耽吟咏工篆刻自作小印曰太平門裏太平人未官時會館於曲阜孔莊谷家及金陵孫氏晚年境益窮詩益工間迂詠物稿二卷彌足誦玩碧谿詩話客臺先生居東城不戒于火依婦翁康石舟先生棲止於散花灘上庚寅夏五余往訪之出泊邢紀詩一冊蓋其客邢江時作也

上巳偶步

鶯啼草長過江南曉霽平岡翠滴嵐雀舌去烹泉第五虹橋

來過月初三船移人影波如畫面醉熏風興亦酣自笑不輕  
投半刺名園未許一時探

徐紹鑑

字治通號鏡山錢塘人乾隆辛巳進士  
官舒城知縣著寒竿齋詩存北歸草

朱文藻曰文藻以制舉業請益於徐德栽先生時哲嗣  
鏡山公車南歸四方問字者屢滿戶外嗣是文藻浪遊  
大江南北先生就養皖江彼此音問稠絕忽忽四十餘  
年今何春巢學博忽以鏡山遺詩見投讀之悲喜交集  
鏡山制藝負盛名詩不多作所著寒竿齋詩存數  
翻而已北歸草十餘頁則自春間被放時作也

天津村鎮

絕去塵囂市不譁隔堤深處有人家老漁遲釣  
早燈爲浴麻烟黛橫空連遠嶂雲根低起傍平沙一鈎初月  
林間上莫羨張鷟泛使槎

曹廷宗

字因可號可堂錢塘人乾隆壬午舉人

朱文藻曰曹可堂年十四補博士弟子員積學敦  
行者有經史折疑十餘卷及詩文遺稿藏於家

重遊王氏山莊

更無人跡有苔錢回首登臨一惘然曾聽樓頭寒食雨又來  
湖上晚涼天癡雲作意籠煙渚流水無聲入野田松下倘容  
施榻卧便消長夏日如年

許飛鵬

字漢槎號東軒海寧人乾隆壬午舉人

俞寶華曰許飛鵬爲商州知州惟推從子

雨中過淇水

濕雲翻墨灑空濛晷逗朝霞一縷紅高柳分行烟作合長虹  
跨影水當中關河走馬頻年路士女漸車舊日風猶想桑田  
詩境好欲從雨後問村翁

曹長泰

字延卿一字慎堂金華人乾隆辛卯舉人著儘餘文草思古齋詩草

宋宏釗曰慎堂少警敏而卓志勵學鄉薦後留京八年館王白齋宗伯家南歸一年而卒生平兀傲孤介未嘗

安接人遇不可未嘗少假辭色詩稿猶至都悉燬於火今所存者特其少作耳

遺興

山深雲亦深林靜鳥亦靜  
沈鳥不飛盡日獨引領  
須臾飄風來吹我衣裳冷  
不惜添重裘坐挹此清景  
觀空慮自遣遇物理可省  
如波迅浮生日夕燭當秉

雨餘蔚庭草我亦有欣起  
步階東西前榮已朝耀不覺永  
日夕寤歌開庭軒百卉鬱蒼翠  
目擊道已存食蓼詎不苦飲  
河詎不渾讀書揚子宅高臥袁安門

沈孫璉

字礫人號蒞士一號大雲錢塘人乾隆壬辰進士官山東道監察御史

吳錫繼傳署曰先生弱冠名雋一登乾隆辛卯舉于鄉

王辰成進士

翰林

四庫館初開先生充纂修官甲辰丙午遞轉監察御史家素貧所入俸悉寄以佐甘旨自奉但不膳又善病恒累句不起起即瞻目視天見白雲南飛念親舍仁其下生平作詩古文清麗出塵表脫稿輒棄去卒年僅五十

黑甜鄉

般若根塵幾種諳律梁倦矣學瞿曇元機坡老棋中悟真味  
回仙飯裹參上士異牀方養晦好人同夢定輸甘思量補貼  
平生久萬戶封侯愛此衙

鍾錫圭

字介仙號西樵山陰人乾  
隆甲午舉人著西樵集

登秦望山尋李斯石刻不得

沙邱一去龍馭斷望夷宮中歲月短亭長方誅大澤蛇相公  
徒泣東門犬當年丞相何英雄親扶玉輦蓬萊宮登山望海  
頌聖德豐碑兀立芙蓉峯只今回首成陳迹鑿石書文竟何  
益我登碧嶺尋故物榛莽荒荒不可得得毋焚書餘火化作  
霹靂飛豐隆刻缺燔燒之吁嗟乎政也不道斯助逆灰沈烟  
滅胡足惜君不見岫嶂一碑禹廟前四千餘年人競傳

余永森

字庭樹號蒼谷瑞安人乾隆甲午舉人著濟麓齋詩草

舟次青田

青田人家城上起城高半在白雲裏四圍翠嶺插天來城影  
倒射清江水客子推篷江水流城門卻繫蜻蛉舟黃昏燈火  
懸樹杪臥聽雞犬出城頭歷歷青疇依蒼莽纓耨半自城中  
往市上惟聞樵唱聲林邊時有魚榔響老鼠梯前山峻峙石  
門西上流如駛長年解衣試鐵篙灘聲漸急從此始

趙氏村居

盤紆深谷鎖青蔥雲際耕畬高下同家住四圍山色裏人來  
一徑水聲中縹緲玉蘭盈筐碧舉網金鱗入饌紅更愛高樓  
明月夜畫簾面面捲松風

徐

鼇

字鶴山號江樓餘杭人乾隆丁酉舉人

秦郵舟次

甓湖春水漾遙村夾岸人家落樹痕十里平堤殘寶築幾間  
矮屋土神尊魚充晚飯初登市鴨近斜陽自到門聞道木瓜  
新釀好清宵那得不開樽

同何雙溪太史法源寺看花

平蕪淺綠柳輕黃庭院深深帶綠牆三月鶯啼韋杜曲一甌  
茶熟贊公房碧陰如撲簾旌濕紅雨偏招展齒忙壓帽何人  
還記否畫欄此地幾斜陽

汪

國

字器卜號菱湖鄞人乾隆丁酉舉人著菱湖詩文集十卷

碧溪詩話注菱湖熟嫻史事詩中議論往往有裨史學而五七古氣力雄健又不待言所詠金石諸篇論古多前人所未發不徒敘水摹搨之工而已

與姚禮部佃芝

梁觀悟溪中興碑



禮部遠使西粵歸登堂示我浯溪碑碑高數丈字如掌是誰  
巨手能鐫治初從溪邊弭棹入荒藤老樹相蔽虧月明訪勝  
偕佳客攝衣直上攀屣屣是碑一見驚初邁命吏摩挲存其  
規袞愼不敢凡手襲什襲常恐神靈窺憶昔天寶亂戎馬青  
驪蜀道幾顛危六軍方食楊釧肉佛堂生訣雙淚垂倉皇形  
勢已若此普天豈肯從戈麾前星一夕踐宸極顧盼六合如  
指揮忠勇更得李郭將收復兩京不逾時薦功七廟刻貞石  
中興稱號良自宜次山文章推作手嘘拂寒壑回春麥魯公  
書法邁虞褚勁氣盤鬱生蛟螭芭寒色正數百字大文照耀  
天南隄導揚盛烈臣子義但有忠愛無微詞撫軍監國太子  
事事有權變宜熟思假使僅守匹夫節區區小孝能爾爲西  
內孝養誠未盡胡乃先事與刺譏吾觀宣和避敵日亦如天

寶遭陵夷力扶太子正大位隴西丞相定羣疑當時夫豈昧  
大義非此無以令藩維涪翁詩句擅老硬深文或者多濶達  
讀書論古吾豈敢觀碑有觸聊及斯

虹橋修禊處追懷阮亭先生

不見漁洋老謫仙虹橋禊事記當年揭來六代消魂地坐我  
二分明月天小杜風流原絕世大蘇墨妙本無前江南何限  
青山好輪與先生荷插便

公治春詩中有江南無限青山好便與諸君荷插行之句

沈維基

字忠隱號香琳德清人乾隆己亥舉人官伏羌知縣有香琳山人遺詩

雪夜渡黃河憶談象木表弟絮被也將慈母意西風先

到大河南之句愴然賦此

弧矢當年計總疎尙勞絮被寄長途如今慈母手中線著遍  
征衣半寸無

鄰嫗有子客數年不歸丐余作書招之因彙括其意爲

吟此篇

昔在襁褓時日夜祝兒強年年兒生日爲兒祠竈王東家買  
雞黍西家買酒漿聰明爲之禱疾苦爲之禳童衣不蔽鄰漸  
漸性飛揚兒黠好騎馬韁斷斷母腸痛定驚魂回暗喜初扶  
將兒年始二十擇婦柔且良結褵四五載隨估客衡陽初時  
音書至至今亦無常記得兒去初孫女纔扶牀今朝看孫女  
能學畫眉長新婦多婉婉背面拭啼妝紅顏與稚齒何以慰  
孤孀試看鄰家子足不出里坊雖然不良行孌著兒衣裳鄰  
子有足疾弱兒守門戶強兒走四方自悔墮地日爲設蓬與  
工製衣

桑

送春次韻

綠肥紅褪獨傷神  
草長階前已似茵  
春在人間人似夢  
忽聞春去却憐春

夜泊燕子磯

佛火明巖際  
江濤撼石巔  
客情閒似水  
春月淡如煙  
暝色來千里  
歌聲隔一船  
憑舷待明發  
忘向舵樓眠

周世武

字定國一字書巢  
郴州人  
世文弟乾隆己亥舉人

和大兄秋懷詩

草根啼寒螿  
細碎無端緒  
豈盡怨秋風  
時至各自語  
騷人不堪聞  
祇恐增愁苦  
空中有鸞鳳  
軒軒自霞舉  
長嘯碧雲間  
清音諧律呂  
俯視啾啾者  
終不離泥土

山瘦骨自出  
野曠雲相連  
霽景出遠岑  
暮色浮村烟  
書來歸鴈後  
病起秋風前  
之子有新詩  
了不事雕鐫  
出語到平淡  
如

水清且漣使我不能忘遠望將眼穿

冬日獨遊玉几

寒飈捲地巖泉凍一鑑冰池凝不動忽逢微暖出林梢已有  
流澌生石縫是誰導我山間行兩峯幽禽發新哢蒼髯老叟  
笑相迎更吸清風作三弄飢腸不飮香積厨但嗅黃梅作清  
供歲暮何人解往還山僧畱我客疎縱覆鹿生涯乍有無  
羊臧穀奚輕重不如與之無町畦仰眎飛鴻天宇空長歌脫  
口謝雕鐫山雞登木牛鳴食歸時爲記塔影斜西峯落日紅  
相送

食蠣

嶠山峙海隅什伯相黏結蠢然一物微亦解潛深窟土人知  
雋味緣崖日採擷祇應爲酒徒勾引出岩穴

楊廷秀食蠣詩  
也被酒徒勾引

若薦他樽譬如鑿石罅中得青玉玦  
獷殺雖外緘眉目仍內組解他顏  
缺清不數玉珎珍堪陋石蛸年來飽  
憂慮肝腸愁內熱冷然入齒牙快如  
嚼冰雪雖非合澗姿品格總獨絕連  
倒崑崙觴兩不厭饗饗他年憶此味  
何由解消渴作詩記餘歡芳鮮猶在  
舌為語謝永嘉可否匹海月

姚思勤

字汝修一字春漪號桂隱仁和  
人乾隆己酉舉人著桂堂遺稿

黃模曰君少孤事母戴克孝性聰穎工文能賦乾隆己酉舉于鄉又四年歿于京邸生平著述甚富其詩集曰漱六軒學言曰琴臺小稿皆在家所作也曰北遊草曰桂隱齋集都下所作也曰桂堂遺稿桂堂者所居之堂也

### 玫瑰花

又是江南三月時櫻桃如豆柳如絲  
春風門巷人初賣曉日房櫳蝶未知  
綠鬢半欹香豔冶紫雲生小熊嬌癡  
愛他甜味

醒殘醉一笑嫣然不自持

龍井採茶歌

湖波餘潤開龍井黛屏直時風篁嶺山中日暖春泥香綠茗  
茸茸抽細穎柳絲蘿帶莫爭研搖漾晴漪劇可憐旗槍半吐  
輕雷後鷹觜齊舒小雨天去年雨多茶葉老今年雨少茶味  
好前溪姊妹笑相呼手挽筠籠趁清曉曉風澹蕩正愁人細  
摘斜牽不厭頻采得碧牙盈一剎香甘曾否到朱唇

鶴巢水石

表裏空明照眼寒女媧五色練成團未能拋得清溪水何以  
盛之白玉盤黛點濃皴真箇活雲根濕透不曾乾涼風滿几  
吹塵去有客披襟自在看

晚涼次春松韻

簾捲不成雨坐來山舫秋迢迢綠陰合澹澹碧雲流人意欲  
辭扇笛聲催倚樓分明上弦月翻說曲如鉤

沈之鴻

字子達號漫士德清人乾隆庚子舉人著車航日記

夜坐吟

蕭蕭幙被上燕京自笑疎慵本性成刺似彌衡常減字僕如  
司馬慣呼名詩場最易埋珠玉酒庫徒能貯甲兵搔首故鄉  
雲樹外遙遙千里月同明

有感

侏儒總悞讀書業客館淒其憂患并天遠不聞江燕語月明  
惟有夜烏聲窮來奴僕更新主老去才名讓後生明發天津  
歸路近好隨田父問春耕

聞吏



數里一闌門，闌板堅勿起。闌吏向我言，閉闌良有以。糧艘期不來，君行且止止。止止復如何，十日停菰蘆。再拜告闌吏，行旅有通途。闌吏峻色辭，啟閉誰敢私。君意毋欲速，欲速常輟遲。如君入長安，豈不愛執官胡。爲斂羽翼，偃蹇翻泥蟠。窮達總絲命，通塞各有時。君姑艤舟待時至，惟所之。

座主溫補山夫子席上咏青杏

索米原爲餽，啜來都門四月綺筵開。書生飽識寒酸味，杏子青青道是梅。

絲葉陰濃結子遲，問名原是日邊枝。上林不與朱櫻薦，爲似蟠桃未熟時。

鄭 濂 字茂川，號頤堂，遂安人。乾隆癸酉舉人。

官華亭縣知縣。著《荅湖詩草》二卷。王淵荅湖詩草序畧曰：君少爲詩，辨香漁洋中間，沿沂劔南玉局，治翁又演迤乎王儲韋柳，其詩大半得之東。

國南上意孤嶼岐海成  
連所謂移我情者歟

束薪

薪桂年來費米珠三冬珍重此樵蘇  
析從曉雪千峯迴買向斜陽小市孤  
窮巷幾人能舉火冷官如我竟圍爐  
懸知老母思兒切猶道天涯長物無

力田課兒

陶公穫下濕吾亦依南阡在昔嘗秉耒  
力耕多逢年舍茲航海去十載愁無  
瓊孤露返衡門插禾追前緣此禾親  
不見此畝親所傳豈惟長子孫方憑薦  
豆籩及時一鹵莽大懼荒良田

偕汪丙菴董謙山訪翟晴江於郭外書巢同約湖上之  
游比晴江以雨辭口占速之

雨奇晴好祇隨緣金粟花間喚酒船幾處耆齡還入社誰人  
拙宦肯歸田巢成書帙真名宿注就湖山本散僊葦浦槐塘  
悲宿草君來憑眺正蒼然

孫

銷字荷田一字岸舟  
杭州府學諸生

天台道中卽事

水程才過陸程遙書卷隨身壓擔挑赤足強行溪底石驚心  
難度木頭橋沿途每喜餐胡飯上嶺先思解緼袍盡日勞勞  
雙不借早從宿處覓村醪

沈景良

字敬履號松町仁仲  
人諸子有松町遺稿

沈景梅行述畧曰兄曰短視身瘦削性孤僻喜讀書嘗  
夜讀蜀蠶落於肩至痛始覺有時燈暗焚其帽簷亦不  
覺也嘗歲除游近市遠歸搜牀頭捲衣而出少頃挾一  
研還喜形於色曰此研有先君子銘刻於上吾獲此度  
歲有餘歡矣愛獨游每數日一至湖上出必袖錢抵暮  
醉吟而歸袖中餘錢零落於路不顧也初嗜茶成癖酒

沾唇卽醉年近四十漸事杯勺晚乃以酒代飯而嗜茶  
如故致疾不起病中手自改定所作詩淨寫成帙人乘

其病臥并適我齋稿席捲以去

梅記憶舊聞僅得詩如干首  
何其傳畧曰茲叨爲晴山先生長子君與弟景梅家學  
相承並能詩宅近清水潭破屋數椽不蔽風雨妹早寡  
無歸君贈養之而遣嫁其兩女晚嗜酒性癖人畱之飲  
遇他客輒逃去友人鮑以文多蓄古書常借歸手鈔詩  
喜林君復故所作  
多閒澹冲和之音

### 蹉跎

雲物隨時轉年光歎逝波看書雙眼少謀食一身多事往空  
畱恨愁來但放歌人生容易老吾已半蹉跎

### 典硯

一硯美如玉欲典無多錢今夕若沽酒明朝無炊煙掀髯成  
一笑無策可兩全不如姑置之且就高枕眠

### 雨後

江皋初霽雨著屐步沙邊水擁橋根路雲開樹杪天看人收  
蟹籬聞笛起漁船一逕秋光澹西風散濕烟

胡濤字滄來號封唐仁和監

何其傳畧曰君家故貧初館孫氏具膳豐腴君念奉親  
甘旨不足每對案輒哽咽不食慨然曰仕為難養祿可  
待親不可待也遂棄帖括持籌握算為怡生計暇仍讀  
書嘗作客淮揚充豫間數歲歸所歷名勝悉紀以詩家  
數遷最後築室城東畧畧蒔花竹春秋佳口與項君秋子  
迭主吟社及期寬鞋瘦策次第鄉風雅之盛舊稱趙氏小  
生西林時一與焉人皆謂吾鄉雅之盛舊稱趙氏小  
山堂問寂數十年庶幾得睹于今日矣君為詩清樸有  
味絕去藻飾常曰富貴窮聲色之  
娛貧賤肆歌之樂天豈有私哉  
隨園詩話胡適來詩筆甚清余每到杭州必相款洽年  
未六十而亡錄其車遙遙云別酒初行第一尊征夫結  
束車在門別酒忽匆三酌過征夫出門車上坐天涯萬  
里車遙遙山程驛店柳花飄向暮停車侵曉發人在車  
中長白髮依依相伴不相離惟有車前芳草年年長幾時草  
上踏輪響其行與不行由君身門前芳草年年長幾時草  
于松雪霽云山容帶粉消難盡簷淚如珠滴未乾湖上

云湖波驟長連宵雨山霧徐收過午風落葉云離柯早  
帶新霜色委砌空含舊雨情俱極清妙置之樊榭集中  
幾不

可辨

碧簾詩話對唐不習舉子業善治生性慷慨重然諾食  
貲二百餘半皆賦歸之無依者一日無客至則索居寡  
歡與予交四十餘年情好無間詩極工鍊意味深長如  
春日城南云緩日亂花氣和風歡鳥聲荒園云門外暮  
烟沙鷗立晴陰秋雨海棠開咏笠云鼓歸新雨後佳向  
晚風前咏雨云雲迷荒野外燈照古牆陰萬松嶺桃花  
云嶺路自盤流水外人家多住絳雲邊吳山漫興云江  
天送眼遠蒼烟燈火催歸處處樓天竺山中寄懷錢  
調云峯似旋螺青到頭雲如飛絮白漫天秋海棠云微  
帶露時雨蝶夢更無人處暗蟲吟皆用意深厚琢句工  
緻吟朋中  
率不易到

### 別舊居

堂上清陰覆古槐西風落葉漸成堆自知寄跡同爲客無那  
離情酌此盃酒債儘隨貧士去秋花雨待後人開繫回咫尺  
橋東路負杖還思道興來

秋懷

技拙惟應固守窮  
鬚眉猶幸未成翁  
人懷楚館三更雨  
秋冷吳江一夜風  
幾處飄零書卷在  
全家辛苦酒瓶空  
黃花滿徑霜空老  
愁臥蕭條落葉中

焦山

扁舟一點如飄萍  
載我直渡大江水  
我生性命豈敢輕  
祇爲焦山勝游耳  
焦山地險風浪驚  
盃酒酌江風漸平  
中流打槳坐船首  
孤影倒漾天空明  
到岸初登日將落  
幽篁層層路盤曲  
老僧笑語迎客來  
晚飯淹留伴雲宿  
眉山仙翁去千年  
歸畊不來空此山  
宦游自古退難得  
今我在野寧非閒  
夜深缺月隨潮長  
石激鯨波振清響  
試將此景問山靈  
自古于今幾人賞

十八羅漢卷子

層層翠巘媚清秋雲自無心水自流一十八峯都占定更無別個住山頭

延津渡河

天風吹河激狂瀾五更臨津愁渡難馬嘶人語亂殘月僕夫偃立衣裳單書生貧賤輕性命一輩已自凌飛湍蛟龍欲吞河伯止顰頭未盡黃蘗酸千金沈璧笑子羽徒挾重寶遭神干浩歌中流日欲曉仰視閭闔星闌珊

平山堂同年瘦生

王民作

一舟容與泛波光百折沿洄引興長樓閣帶烟浮島嶼見鷺翻雪出陂塘草侵游屐紛紛翠花落春衣點點香斜日倚虹園外路小秦淮水憶流觴



泛舟紅橋

迷離芳草遍天涯  
歷亂春愁送客槎  
寒食禁烟寧禁酒  
好風吹雨更吹花  
渾如白下青山暮  
小泊紅橋綠水斜  
終古傷心隋苑地  
冶游依舊尙繁華

皋亭觀桃歌

皋亭去郭十五里  
山色依微白雲裏  
山下千村桃李花  
歲歲春光麗如綺  
城中士女愛出游  
紛紛逐隊如雲流  
老夫于此興不淺  
艮山門前挈小舟  
二月初晴天氣暖  
鴨綠盈盈新水滿  
談心况有四五人  
繞岸不辭十數轉  
層層畫望不窮小  
白幾處兼長紅  
濃香帶霧撲曉日  
翠羽啼露嬌春風  
人家隱約不知處  
總有花枝引人去  
及至無花更有山  
山盡復饒花萬樹  
武陵桃源空避秦  
知有父子無君臣  
何如此中樂無事

熙熙長作唐虞民

贈種花周老

山翁居山嗜花木淡綠疎紅圓矮屋一生心事寄花中每出  
名花驚世目今觀兩本尤絕奇紫色如赭素如玉湘江蕙蕊  
不同芳羅浮蝶翅遙相逐可憐秋意渾蕭索不比春風鬪繁  
縟君不見西馬塍邊錦繡堆四季都從市中驚空將佳種換  
金錢誰解幽姿對空谷徇人萬事終何益娛已一庭差自足  
牀頭斗酒宜預儲異日還來看霜菊

上燈節

長紅小白滿園新放浪終朝酒一巡無病染身真是福有兒  
傳代未爲貧五千卷軸經心事四十年華過眼春今夜上燈  
燈市鬧祇留明月照閒人

天竺山中寄懷錢羹調

不到靈山已十年眼看泉石尚依然  
野蟬含露發清響溪女戴花增薄妍  
峯似旋螺青到頂雲如飛絮白漫天  
仲文信說多才思曾與松房鬪絃筇

湖上聽蘇五琵琶

柳絲牽地黃鸝語蘋香吹動鴛鴦浦  
畫橈晴晝闌笙歌祇有琵琶妙蘇五  
琵琶學最難四絃能作千聲彈故將兒女  
幽閒語寫出風沙大漠寒此聲此調知音少  
淚漬青衫白公老憑誰更譜斷腸詞  
雲母圍屏唱蘇小檀槽銀撥總堪憐一曲如聞崔九筵惆悵晚來無覓處  
平湖新水綠慢天

人日立春

天公有意開人日故遣春風應春節  
鳥聲喧報曉光晴宜歲

宜人兩相得絲勝無關藝上絲賞心惟有早梅枝東臯野步  
西溪棹併作幽窗一夜思

答袁簡齋

刻意春游樂未終因春來去底怱怱來爲湖上鶯花主去作  
江南桑苧翁詩筆卽今誰比健才名到處總推公離居正苦  
秋無賴楊柳烟消蓼葉風

半觴食黃柑

佳果茂炎方黃柑霜後實遙從梅花嶺供向芝蘭室開筵賞  
珍味傾籠如新摘鼻觀氣纔聞頰輔津已溢膚刮香似橙瓢  
咀甘勝蜜計長寸逾三論種品第一况我酒脾乾連朝詩吻  
渴得此如醍醐食旣生懽悅閨中有老妻病齒厭酸橘倘能  
遺數枚歸與燈前喫

五十自敘

雅會人人盡率真漫勞攜酒賀生辰長年不願稱松柏願與  
梅花作後塵

兩層堂宇四重階棲息三年傍水涯花甲倘能身尙健東頭  
添蓋小茅齋

次笑九蒙泉賞雨之作

佳游屢見阻百事寡一歡吟君湖上詠引興飛林樾孤寂諒  
有托行臥信多安松醪貯壺滿荷沼夾鏡寬密竹有清陰平  
泉無急湍歛然飛雨至烟雲變奇觀層猶平淡文中忽生波  
瀾山僧豈解事詩老應獨看歲華坐淹忽景物春將殘往者  
不復回疾于水下灘媿我閉門客結思徒漫漫行常稅吾駕  
層巖帶憂端

西湖觀漲

狂雨數日今始休  
墨雲猶護青山頭  
金牛湖水增一丈  
浩瀾勢與遙天浮  
雙隄漫滅鳬鴉亂  
三牖倒瀉魚蝦愁  
蓬萊宮殿愈娟好  
水仙祠宇含清幽  
玉尊金管芙蓉舟  
飄飄載入天漢游  
晨風徐收宿霧淨  
銀波萬頃凝不流  
平居懷抱悶已絕  
對此且得開雙眸  
側聞青瑛旱苦久  
千里赤地無春收  
又聞閩江三月雨  
泛溢遠過延平樓  
皇天有意厚吾浙  
及時潤澤盈田疇  
屋梁龍骨挂不用  
漠漠喜見良苗抽  
書生所志在一飽  
豈必在在憂人憂  
釣簾一笑重徙倚  
雲樹六月生涼秋

城南觀桃復游聖果寺

城南門外桃萬株  
花開如火三月初  
春風導人過僧廬  
深深野竹映花樹  
人被花畱不能去  
那知舊是宮牆處  
溪迴峯轉

路更幽古藤盤屈森蛟虬嶙峋石罅梯仙樓江天曠望日當  
午紅雲堆山更紫渚此中未許通漁父少年來此今日頭先  
生又攜童子游折花簪鬢花應羞

竹素園觀鶴

素影靜照池波鮮高格自是禽中仙吾觀相經識上品雙睛  
點漆丹塗顛何時羅致受拘束數畝踏遍秋園烟淒淒無侶  
抱孤怨清唳遠散明湖前雲霄萬里長挂眼六翮已撥難騰  
鸞鳥爲銜鼠漫見嚇苔石淨掃聊獨眠有如志士縻五斗隨  
時俯仰無人憐君不見孤山咫尺烟水接先生歸去七百年  
行當築室繼幽躡待汝毛羽能冲天

奚九過訪

寒秋水葉已紛紛孤臥真如鴈失羣政爾枕邊愁思積忽欣

門外屐聲聞  
飢年過客難  
言米浮世論  
交絕類雲但  
買濁醪  
同一醉不教  
空腹負將軍

垂老

垂老畏聞死  
舉世人盡癡  
請看往古人  
未有不死時  
余病日沈篤  
後事當早治  
選材命匠氏  
繩之復削之  
終朝一棺就  
頗足安四肢  
是我常臥所  
掩蓋將有期  
日暮天無雲  
南薰鬱庭枝  
萬物皆長養  
胡我獨衰遲  
命也可奈何  
且爲陶一卮

翟

振宇健行號西離仁和人

朱點曰西離爲補堂先生長子補堂豪於詩與堂兄晴江先生稱東鄉二翟歷官黔中擢令萬載西離並隨侍問詩迫歸里又請益於西林吳先生詩益進年三十餘略血以沒易簀時索所作諸稿盡焚之余與任石屏徧訪所知得如干首

尋菌閣故址



樹轉山徑幽陰壑墮松子竭來仙子居儵然遠城市嘒嘒寒  
蟬鳴激激哀湍駛如聞風外琴一洗箏笛耳菌閣既蕪沒高  
風徒仰止擁毳思同遊事往不可指元珠探遺稿句曲稱外  
史鶴去何時還秋芳變蘭芷

水陸寺石幢

得利字

苔紋翠積秋雨滑瘦石橫堦一幢拔糝糊六面蠶頭文古色  
塵封費磨刷眼明乍識十三字點畫細摹交缺齏紹興之年  
二十五立石三月初八河村憶來長帽翁焚香夜宿空王  
刹天花想像散陀羅瞽眼珠宮換埃圻斯幢乃屬後來建考  
古誰聞操筆札吟詩賸喜證遺聞寺門脩竹風交夏

寺與周家橋隔

倉基相近頗疑東坡所開通何畱宿水陸寺卽此地也聞之  
老僧云舊藏東坡墨跡後燬于火府銀杏二樹亦宋時物

蘭橋采藥

得利字

錦帽樓鞍野趣饒  
白攜筠籠問河橋  
行逢潑火雨初歇  
漸識緣江路不遙  
小圃漫教分土種  
短鋤閑許帶香挑  
茅堂歸去還蕭散  
鄰火村春破寂寥

汪日贊

字羽階號柳堂錢唐副貢生官詹事府主簿著柳堂八集

朱文藻柳堂遺詩序略曰予與先生同歲列弟子員初不甚洽庚子後自京旋里館於味餘書屋先生之故居也時先生亦方解組歸始共晨夕歡度戊之冬疾作子亦臥病枕上有詩倡和勸吟勸止惓惓不已辛亥歲除夕予就榻前與談越日爲士子歲朝則先生逝矣

遺興

客緒何蕭瑟  
端居意渺茫  
囊錢衣估值  
餅粟鼠爭糧  
折葦補茅屋  
尋龜指石牀  
相遭淡與泊  
遺味太羹長

對影日兀坐  
苦吟殊未成  
才疎稱薄秩  
官冷博廉名  
未覺

簿書擾惟餘  
詩骨清盤中  
時照見首  
猶正盈盈

思青梅

數聲羌管已吹殘  
萬顆同陳瑪瑙盤  
想得青青纔似豆  
不應生小也含酸

張

泰

字玉鉉號芻田仁和人移居黃巖

春日偕雨邨東歸卽和其韻

笳與啁訕繞江濱  
江上晴光映角巾  
好鳥送行剛二月  
青春作伴恰三人  
登臨乍喜看如畫  
踪跡渾憐轉似輪  
同訪夢中歸去路  
到家猶及煮香蓴

樂清道中眺鴈蕩諸峯

峭石如僧抗手迎  
仙源何處莽榛荆  
山禽啼罷孤猿和  
獨立風前對晚晴

大小芙蓉紫翠分  
飛泉百道落紛紛  
人家都種棕櫚樹  
樹裏

炊烟雜晚雲

唐

禮字又東仁和人  
著秋浦小稿

得湯對松書

不盡思鄉淚來書獨夜看故人  
憐臥病異地勸加餐歲月空  
山晚星霜客夢殘與君共愁寂遙憶白雲端

雪齋訪蓮上人

侵曉鳴雙屐行行入竹林  
春回雲物秀雪積草堂深  
清磬淡塵慮半山聞梵音  
探師禪座處寒色滿遙岑

沈

鵬字振飛號桐谿錢  
塘人著桐谿詩草

朱文藻桐谿詩草序曰桐谿先世居桐鄉後遷於杭  
故自號桐谿慷慨向意氣耽吟詠幼嘗與某氏訂姻女  
得疾垂歿其母招桐谿與訣情辭慘切遂守義不娶授  
徒數十年卒之前出所衣羊裘一襲交胡濬詩唐刻其  
詩又取手錄所作詩四冊  
男予選其尤者交詩唐

立冬前五日同沈玉屏過樓退軒對雪追懷鐵橋

故人已下世重來傷我情況當肅殺候雨雪飄前楹琴書尙  
滿榻鼠跡紛縱橫念其身任日智識何高明典墳無不讀六  
藝無不精著作日富有雕琢戕其生所失千鈞重所得毫毛  
輕達人解其會保身如孩嬰魏侯願失魏不廢左右肱吾旣  
爲汝惜還以汝自懲決志棄竿牘歸神游太清

智朗禪丈訪余準提精舍燒筍作供

不厭山村僻幽探月幾回履痕隨磬曲笠影帶雲來道徹心  
珠皎談深意蕊開午齋參玉版機拙藉師裁

答九峯見寄

故人勞遠札問我住幽岑掃石曝新藥橫窗調素琴酒邀僧  
共醉詩與鳥同吟萬事都無著閒雲卽此心

臘月四日同施澹珍慕白宿龍井汪氏山樓

不速三人至茅堂笑語迎疎鐘  
山寺悄新月水樓明燭跋燈  
猶續盃寬酒更傾平生足幽興  
飄灑意縱橫

走馬塘再訪桐江寓館

志稱寬橋  
爲走馬塘

爲尋舊侶趁新涼又過橋西走馬塘  
烟郭日高蔬市散花村  
風暖酒帘香行踪別後成疎濶  
眉宇年來各老蒼數載重逢  
惟一笑新詩吟罷更飛觴

中秋前五日雨過南欄訪智公坐松巔閣

木末閒拖過嶺遊訪公又到竹間樓  
一聲清磬墮山翠幾片  
濕雲籠欄流鳥喚定回梅已熟  
雨催詩罷桂應秋漫將陳句  
還題壁畱取他年作話頭

高繩武

字啟新一字湘紉錢  
唐人著蘭陵吟稿

何琪蘭咳吟稿序畧曰以友高君蘭咳少工科舉文而  
旁及於詩雕肝鉢腎閉戶構思每一詩必旬鍛月鍊而  
後出故所作多深沈精密同里王君適和淹雅好古藏  
書萬卷家有養素閣嘗修玉山草堂故事招集莖浦散  
身現塘諸者宿西湖天虛讓山兩詩僧執牛耳而主壇  
坵者爲王文茨擔君與後飲及余皆在焉常是時觀君  
循廊覓句冥心獨詣仰樹攢眉既而揮毫落紙欣喜之  
色若忘乎窮達得喪敞屐展萬鍾而無以易乎此樂也中  
年以往賣文金盡金甌塵生膝下童烏一星復隕君乃  
委懷任運吟嘯勿輟是猶手所自定君事親奉潔白之  
養因號蘭咳以見志

同人過化城菴看秋卉分韻得清字

行行歷初地蕭爽異塵境妙香縈淨筵天葩落藻井煜若秋  
半花豔奪春來景繞砌整以妍映竹閒且靚小蝶團枝低乳  
狸臥苔冷開軒延涼飈得趣益清迥伊予淡蕩人狂欲次公  
並近復學陶潛止酒聊自做觀此良會懼敢詡我獨醒願言  
無相違因之申後請

馬塍訪姜白石葬處

寂寞番陽叟千詩不療貧江湖諸客味風月老吟身此地曾  
埋玉無人與薦蘋徘徊茵閣址都半委荒榛

奉和茨檐王丈移居

作達渾忘雪滿顛逍遙人擬地行仙鄰翁惜別攜蠶榼家具  
重移借釣船野景獨開西閣望好風時趁北窗眠所欣朋輩  
交情在到處能資買酒錢

二月十六日梅垞攜榼過荷風竹露草堂次筱飲韻

浮生剩有醉鄉寬客主都忘飲最歡劇得狂鞭堪下豉貫來  
縮項爲加餐令徵前事增豪興春到中分減峭寒月色滿庭  
拋不得朗吟歸去詫儒酸

高

順

字惠田號虛竹錢塘  
咸貢生著虛竹詩鈔



朱彭曰肅竹工詩文爲  
齊次風吳東壁所賞識

風篁嶺聽泉

翠樂西山隅停淥滴清冷涼風敲幽篁琤琤起石井行行過  
五老漸入招提境山隈一徑通沿緣登碧嶺練色瀉寒烟珠  
光碎嵐影遶石林下坐凡慮此俱屏洗耳延遠籟滌腸引修  
綆辨公如可逢烹泉時引領

懷里中諸友

杳藹吳雲隔水潯屏山堂下獨沈吟五更風雨貧交夢二月  
鶯花故國心稽古桓榮春入座登樓王粲涕沾襟幾時重整  
西窗約酒釀茶甌話夜深

毛陳謨

字禹都錢唐人杭州府學恩貢生宗旦孫

毛盈科行述畧曰先君爲人端方廉潔文章何橫直詩  
古文極工雅精於小學音韻點畫校勘尤審往往能正

古書  
之訛

經汶上縣

梨花落盡已殘春  
槐眼迷離柳色勻  
宿雨未乾泥沒馬  
遠山新洗翠迎人  
崎嶇自古燕臺路  
蕭灑無如汶水濱  
脂轄匆匆仍北去  
幾時清浪濯塵纓

贈鄭績成

啟緒

紫陌分攜候五年  
近聞貧到坐無氈  
寶刀君尚未操劊  
秋扇我宜長棄捐  
把袂又欣萍跡聚  
當頭正值月輪圓  
酒酣依舊風情在  
一閱清歌意慨然

汀州雙柏

良材昔數新甫柏  
而今濯濯餘山石  
蜀相祠堂蔓草多  
漢臺空說烏朝夕  
臨汀雙樹世所希  
黛色霜皮脩百尺  
高擎幢蓋

葉垂絲僵立蛟龍幹如鐵月明往往見朱衣見樂陽消夏錄其顛知有神靈宅白馬三郎橫梁來疑是當年親手植籃輿數日行山中蒼蒼鬱鬱多喬松此柏居然丈人行泰天萬本皆兒童新羅巖岫疊千重靈氣蜿蜒有所鍾不過於人遇於木此理吾將問化工

吳爲金

字象青錢塘人仁和王曾祥哀隣畧曰吳生爲金從余遊攻苦不怠能自力於文章自其大父嘯谷父陳亭兩先生皆博學善詩詞儲書數十萬卷所交遊贈答皆當世名士生聞見稔矣年十四學制舉文稍暇卽事吟咏又取史漢書類次其辭事而參覈其同異以求一是日手寫數紙余心竊許焉未卒業而死則命爲之也

食秋蔬

入手紛紛散似絲季鷹此日最相思年來略識悲秋意愁絕西風下箸時

秋日南屏坐雨

重陰漠漠度長橋曉過僧廬肯待招颯沓雨聲穿樹腹模糊  
雲氣失山腰一涼到骨秋衣薄半偈明心午磬消水墨屏風  
誰畫得清遊應不厭連朝

程樹本

字簡中號訥齋錢唐人  
士樞孫著標枝集詩鈔

電餠

司命豈嬰兒乃亦樂含飴世人厭辛苦遂以甘爲宜椒餠芳  
且潔不如餠薦時儼若思嗜好歲歲無改移餠餠雖薄物維  
神其吐之殘年到蔗境分甘拜神慈

年餠

入心多好高諧聲製食品義取年勝年藉以祈歲稔粵稽所  
由來餠資名旣泯沿久遂失真劉郎詩料寤我本卑棲人巖

糲餐堪哂欲更上層樓翹首待挈引

李

鑒

字彥冰號江湄又號江村錢唐人著蓬窗集

詹文政筵賓集序畧曰予友李江湄雅澹士也與之交最久昔年往來吳越間名山幽壑嘉木芳葩以及徒倚窮廬盤桓客館晤良朋逢美醞一腰諸慮布衣疏食泊如安貧守樸豐約通塞之遭不一腰諸慮布衣疏食泊如也甲申夏日遠訪予於京師示以年來蓬窗諸什江漏遽欲南旋老友惜別倍覺黯然用弁俚語於簡端

舟泛前溪重懷詹石潭

文政

悵望前溪水沿迴出遠汀久疎山簡報空負草堂靈岸草晚逾翠遙山澹自青天邊懷老友何事逐浮萍

早寒

漸覺霜威勁天涯難久留寒衣無婦寄敗絮有誰謀病葉吟風冷殘蟬咽露愁已傷千里目不敢上高樓

陳謝馴

字方裴號慧堂錢唐諸生著慧堂詩集

碧谿詩話蕙堂羸弱善病年三十餘而卒無子所作詩多散佚吾友胡葑塘往哭之索其遺稿寡妻從敝篋中檢得一冊乃手寫不全本也葑塘復尋得舊稿數番合併授余因選錄之余與蕙堂交久而見不數數讀其詩可以見其生平

寄汪訥人兼呈潘毓青

憶子南游跨玉驄正子消渴臥城東八閩山色橫柳雨五月江流舶趁風幕府蓮開秋水綠驛亭荔熟曉雲紅此行若見潘懷縣爲話茅堂思不窮

酒旗

何橋野店路纔通大字翩翩影颺空牛背夕陽驢背雪梨花微雨杏花風徧招物色來行處忽捲溪山到眼中我正尋壚懷舊事好憑指點過黃公

寄胡葑塘

昔年孤館枕江隈，銀燭飽看日兩回。  
握手同君江上咏，清尊沙店黃花開。  
幾年多病希相見，咫尺天涯況他縣。  
江頭風月自多情，泛宅何由遂初願。  
枇杷陰濃水滿池，寓樓又逢新夏時。  
閒理殘編觸往事，石榴花裏唱君詩。

玉泉山中

疊嶂迴環鎖梵宮，忘機除是入山中。  
清流如玉二三里，丹桂弄香四五叢。  
不足閒雲翻磴白，無名野果亞枝紅。  
何當掃却閒煩惱，一卷南華坐晚風。

韓芝肩

字近宸，原名渭，字伊人，號月岑。錢塘人。杭州府學諸生。

朱彭曰：月岑少英敏，從游于莫柳亭之門，卽工詞賦。下筆十言，倚馬可待。人以其交推之。晚年病足，惟以書翰自怡。有二女，仲曰鸞儀。季曰鳳儀，以貞孝聞。

舟行旅思

衰草連空浪拍隄寒雲漠漠四天低岸填蘆葦蜂房各屋覆  
茅茨燕壘齊地遠江南山色少風來直北水程稽航樓倚徧  
無情思心逐斜陽到浙西

晚渡宜興西汎用羅江東金陵夜泊詩韻

遠帆如薺出蘆叢萬頃茫然獨倚篷水闊金鋪斜照日浪高  
雪涌逆吹風漁依淺渚生涯穩客到中流眼界空朗咏襄陽  
洞庭句置身宛在太清中

暮秋卽景

平野西風淡夕陽疎林殘葉醉新霜弄寒天氣渾無事獨立  
柴門數鴈行

何紀堂

字山甫號桐蓀錢唐人王梁孫熊

錢大昕墓誌銘畧曰君少明悟長從吳雲巖修撰學爲  
詩文才思清曠性慷慨客山左時有馬別駕登麓者從



君貨數千金卽傾囊予之無何別駕效道孤貧不能自存君卽焚其券雖以此致困不悔也君精于醫術候三部脉處方劑應手輒愈春秋六十著道樞書屋隨筆十卷又續清溪志四卷則侍親祁陽所葺也子元錫字夢華與予交十年篤志古學尤嗜金石刻

送雪岩荆五歸安肅

一樽別酒歷亭邊旅邸離情劇可憐明月剛臨秋水渡涓城  
又唱菊花天詩酬名輩推騷雅曲和陽春協管弦勝事畱傳  
無礙處先生到處是神仙

邠州懷古

間道繁迴一望中村村圖畫記幽嵐民安儉俗閭閻靜地枕  
巖疆氣象雄野外霜林堆赤棗嶺頭馴犢逐黃童停車莫怯  
征途遠往事猶能說古公

已酉三月送惺菴兄裕城自江右入觀

銀國有嘉猷匡廬最上頭雲連中岳氣由豫撫調今任水接九河流

曾任河督職比唐方鎮勲高漢列侯烏衣新甲第王謝不相侔

夢斷池堂草春連夜雨牀才名慚法護風義愧元方自笑生

涯拙誰憐失路狂平生無限意落落任行藏

錢受穀

字黃興一字仲齋秀水人舉嘉慶丁丑南巡召試舉人授內閣中書庚辰進士改庶吉士

散館補戶部主事歷郎中擢漢典道調迤東道著燕詒堂詩稿

古磚行爲趙勇遠作

銅雀斜飛魏臺圯一瓦曾蒙萬金索百年金谷廢空園剝落

苔磚更誰獲當時陶匠等泥沙豈識流傳便珍璧宋家山河

二百六十州烟飛艮嶽邊塵浮長江一畫作東晉羅刹雨夜

寒湖秋武林城下開宮殿依舊繡華夢中兄將軍鏃馬臥花

園內侍金錢布僧院我來古寺西湖濱得自普福廢寺手摩白塔吹

青磷旁人指點土花碧謂是昆明劫後塵古磚磊磊三十二  
間道耕犁出深隧卽今四百八十年依稀猶識咸淳字風摧  
雨洗煙塵昏落花滿地空苔痕江山自去物有主來例咸淳  
幾葉孫咸淳孫子中丞後黠漆雙眸世誰偶不教故物委泥  
塗肯使瑰奇落塵垢博山金鼎瑤圭旁黃埃滌盡騰精光低  
徊拂拭更惆悵想見當年佳麗場枯紋擾擾垂漁罟可是中  
原汴京土王孫撫此莫興哀變滅浮雲自今古

花馬池

山城臨絕域風物逼諸蕃白草歛霜堡長雲漫塞垣牛羊邊  
市晚角吹戍樓昏太息思河套何人更佩韃

間砧

官步寒砧急因風響入幃誰家細腰女搗破越羅衣遠水人

難見江樓客未歸聲高驚落木征雁亦低飛

香稻春甫過陳氏園林有作田甫次其韻余亦和一首

園爲先副使公別業今其西偏爲余甥葛蔭三所有

石作屏風竹作帷虛堂習習曉風吹池連春草蛙仍鬧巷改  
烏衣燕尚窺故物百年歸宅相新花三月藝場師平生雅識  
盈虛理往事都教付一卮

月夜偶成

虛堂蕭瑟靜無塵衙鼓初撾夜氣新皓月淡於江上水清風  
來似故鄉人繞林烏鵲飛三匝逼耳秋蟲咽四鄰身世未諧  
歸夢好不妨消受是長貧

六月二十四日草廬官贊浦山徵君招集汪三石茂才

水亭分韻得八庚

爲愛叢荷繞竹行短籬斜罨葛衣輕  
七人追暑來花樹四面吹香入酒鎗  
天氣乍秋新爽在水風過午嫩涼生  
斯遊幸得陪前輩滿座清言自析醒

和香樹先生舟行看紅葉韻

萬山煙樹幾行詩吟向天寒日暮時  
檢點人間秋葉落晚紅猶是未衰枝

秋林花信已全移賴有霜紅一殿之  
多少西風動顏色年來冷暖只心知

錢世培

字子厚號藥南秀水副貢生官桐廬教諭著藥南剩吟桐江近稿

聽客談登州海市並述蘇長公舊事卽次東坡韻紀之

茫茫雲海浮虛空神山何有空濛中  
時和候暖海波溢懸虛湧出仙人宮  
邑居壯麗樓閣聳架構刻飾真神工  
翩緇旗纛

盛羽衛百千幻影如游龍往來人物燦可數黃童稚女鮎背  
翁豐盈直似一都會江淮吳會輸繁雄神噓鬼吸妙無迹須  
臾變滅誰能窮莫疑幻妄訝竒怪偶然氣至斯爲融坡公昔  
作蓬萊守禱祈而請情所鍾嚴冬啟蟄佐清賞正直自獲神  
報豐馳若島上肖公像一篇海市鐫青銅竒觀勝地不易到  
安得羽翼凌長風

法源寺看海棠同人分體賦詩得七言古用東坡定惠

院海棠韻

入門一逕森古木客憩者雙立者獨僧來把手問他處導我  
幽尋僧不俗齋寮對啟花對開渲染祇園作金谷兩株東植  
環以輒一本西栽翼之屋初酣卯酒紅上頰不解春愁體豐  
肉猩脣恣嚼雀聲喜粉臉徐俱蝶夢足縈雲烘日愈妍靚燒

燭添粧更嘉淑直疑天女遊戲來小試瞿曇蠶菜腹看花聞  
道客最多花下清朝如立竹三年住近未識面薄暮過從初  
飽日髯翁有句感羈楚杜老無詩空處蜀故園千樹開爛漫  
不得南飛侶黃鵠相逢漂泊且自怡步繞雲堂展舊曲毘羅  
不二色相空稽首導師無背觸

沈祖修

字象雷秀水諸生著北  
遊草粵遊草古樵小草

讀先中憲公公餘雜詩有感呈古音兄

一行辭瑣闕萬里度綿州地扼烏奴舊天闔白帝秋旅吟生  
馬首鄉夢阻牛頭零落殘編在驚持淚莫收

秋齋

寂寞掩柴荆秋光小院清病花扶不起衰草薤還生雲破見  
鴻影漏沉聞雨聲山遊應晒屐明發望新晴

泊京口登北固山作

高岡振策俛江沱江水如油曉不波瓜步斜連吳甸小秣陵  
西去楚山多風前津鼓聲聲急樹杪雲帆葉葉過聞有蕭郎  
遺館在南朝文物近如何

清明後一日同人遊萊蕪蒼龍峽

蒼龍兀雙峽名蹟垂古今芳春媚韶景結侶成幽尋款段出  
西郭沿緣例清薄遙峯帶平楚隄柳綠未陰陽和悅衆彙時  
聞鳴嘉禽行行陟亂石歷歷踐臯岑問途亦旣至坦遠無嶮  
崕壤刹當古屋不聞鐘魚音流憩但沙磧未覺愜素心稍稍  
轉寺北巨壑供俛臨窈窕闢異境剗然披淵襟層岩怒欲落  
邃洞敞以深藏珠漱寒碧瀉作松間琴枕石坐移晷涼意心  
骨侵酌泉煮雲液茗椀相共斟乃知此中樂雲臥輕華簪崇



巖生翠柏映日光鬱森中有玉龍澗常從風雨吟傳聞薛仙  
人棲遲此山林以指作草聖銘於七星鐔至今雪光石遺珍  
同寶琳

李大翰

字冠翼號雲莊秀水人官刑部郎中著雲莊詩鈔翰臺使草

甘州道中和韻

祁連遙望雪嶺崦舊壘荒屯眼倦看疲馬驚沙嘶日暮饑鳥  
投樹怯春寒月移瓊帳更頻轉花剔銀燈夢易闌回首鄉關  
疎雁影玉門西去路漫漫

度天山

路長人困指天山磴嶺盤紆負莫攀樹壓危峯來撲翠雪消  
絕澗下飛潺湲冰半破春犁動落日將斜客騎艱見說山松  
仍易葉行人那得不凋顏

天山有紅松至秋落葉

李大恒

宇南有一字枏友秀水人大翰弟  
官刑部主事著竹餘小草白雲吟

沈珏曰枏友收藏書帙里居結旅  
湖詩社從王光祿遊詩名藉甚

送黎晚亭歸梅州

鳴蟬悽碧樹言返水雲鄉五嶺峯回合孤蓬路渺茫旅情燈  
影亂歸夢櫓聲長想見梅花發江亭繫野航

夜泊鄱陽湖有懷

江明無月夜極望水雲深誰遣天邊雁來驚客裏心一燈紫  
遠夢五老助高吟葉落西風緊愁聞隔浦砧

豆腐

南山一頃種村翁食法傳來仙品中質爲磨礪成變化味因  
水乳得交融孤高常伴茹蔬客淡泊偏餘啜粟風嗜好酸醎  
原異俗笑他肉食究何功

點就吳鹽糝蜀薑此中臭味淡彌長價低不用金魚換品貴  
能邀玉食嘗棘七山家茆屋底荻標村店酒帘傍吾儒氣象  
清如許莫謂齋期學太常

盧永章

東陽人

羅刹磯初秋觀潮

陡來一綫白於雲秋色驚從兩岸分徑滑欲添黃葉雨江空  
忽漲紫螺紋樟亭鏃鷺仍重水蓬島嵌鼉半夕嘯剛是如卷  
羅刹石不消元氣尙氤氳

盧

紱

字廷弔一字方堂東陽人乾隆丙子舉人

謁李正節侯祠

死仍畱鐵骨生不愧丹心骭髀東萊學淒涼北面忱城頭高  
處立劍氣夜來深展拜山祠在霜秋響暮砧

俞葆寅

字蒼石仁和諸生

梁同書可儀堂詩序署曰卿先輩俞企賢先生工書畫  
篆刻兼長於詩俞氏世以科名顯前則聯白先生萬歷  
間進上歷宰七縣有惠政沒而為神後則以除先生父  
子迭與文章推海內先生四世從孫蒼石少時即喜為  
詩有所獨輒於詩發之因諸生三十年抱筆硯衣食東  
浙越江北渡揚子客金陵泛秦淮水可喜可愕咸見于詩  
袁枚序畧曰蒼石耽詩家無儲石不以為意常交吳西  
林翟晴江兩先生研究詩自以嘗遊山陰窺禹穴過嚴  
陵七里瀧登眺金焦得江山之助下筆加恢奇屢兩秋  
試項項然不能無問余歎且謂曰今人動稱科名不知  
科之與名相離久矣唐韓愈以退之為大父身中狀元  
無一人稱說而終身不第之難隱方干至今編詩者不能  
視其一府君將百年中與一二入爭耶將三年中與千餘人爭耶

南宋石經歌

南宋和議停軍鋒文事豫暇修九重翰墨力學十五載橫斜

平直追王鍾

高宗翰墨志云凡十五年非大利害相妨未嘗一日暫捨筆墨故晚年得趣平直橫斜隨意所

適五經語孟手自寫精心欲究羣儒宗丁丁玉斧開貞石鄭

重直擬珪與琮高趺詔立成均裏泮池倒影春波濃神孫嗣  
統紹厥武光堯傑閣排雲松自光歷寧理度恭降表馳送臯  
亭峯小朝廷墜海水沸髡徒恣虐妄作凶議徙碑材搗白塔  
健挽竊幸申屠逢旋自邑庠遷郡學長廊偃甌耶兼容經生  
說經不愛經但令剝蝕歆垣墉古來石經凡有七能事特數  
漢蔡邕後來紛紛繼刊刻雲烟散漫難追蹤惟唐開成畧完  
具補綴又苦人才庸此卽歲久多脫闕揮灑當日由飛龍位  
置忍教雜榛莽淒淒風雨悲吟蜚誰其實惜重整頓挾剔手  
自除羣背依舊高軒置爽塏斷裂各使移相從諸生撫摩助  
講解橐筆就校忘春冬煌煌聖經耀日月丕丕古物偕鼎鐘  
上作

天子撰文教庶亦有裨時熙雍

湖上雜詩

晴湖二月柳初嬌  
寶馬香輿漸次饒  
幾日春光濃似酒  
桃花紅過段家橋

外湖水深盤細荇  
裏湖水淺生新蒲  
羣魚小學游入隊  
游徧外湖游裏湖

清曉三竺燒頭香  
徑穿靈隱遊嵌光  
回程亟待昭慶去  
要買女兒黃竹箱

湖中名勝最關情  
遠趁梨花四處行  
莫訝打包歸客早  
浴簾時節近清明

江行雜興

港汊彎環出荻蒲  
歷亂遮橋低經漲  
斷屋小背岡斜穉子挑  
生菜山農剝早麻  
尤供行客便處處賣魚蝦

兩浙輶軒錄

卷三十五

金陵

三

排連厓作障欵乃觸衝波隴闊眠鳥吟人閒補綠蓑芳醅鄉  
店少秋色廔樓多已過孟蘭節花谿尙放荷  
漸起深林霧徐歸古寺僧沿籬收酒旆穿樹見邨燈渡口還  
呼艇溪灣罷采菱移時蘿月上一片雪光凝

尋白衲菴

雲深不見路林深不見日林深雲復深精舍杳難覓鐘韻一  
星星山嵐忽引出

金陵

天險不可恃廢興曾屢經水連金楚白山帶六朝青寬綽市  
城地魁奇龍虎形容客來尋往蹟金粉易飄零  
良辰逢二月滿眼惜芳菲渡口桃爭發風前燕亂飛寒潮分  
港入舊院得春稀尙有佳公子開尊妓作圍

隨園張燈辭

名園秋夕開燈場四面紛如黼黻張頃刻春陽回黛壑全教  
璧月讓輝光

過臨江鄉贈吳西林先生

穎芳

城東隱君子託迹愛幽深室有高僧伴門無熱客尋茶烟添  
竹色鶴夢冷花陰幾度乘閒到清言愜素心

賣錫翁

有來賣錫翁吹簫走井邑銅鍋調蔗飴膠黏勝蜜汁就範方  
圓成鼓氣形象出果蓏兼蟲魚得售便分給我時立塗中陳  
說勸此翁智創巧者述技藝迥不同苟堪益人世徒手亦奏  
功今視翁所爲外脆中復空滅沒等泡影無初焉有終尙難  
飽螻蟻烏可欺兒童此翁聽方罷熟視轉嗟訝子言似誠篤



子見實卑下萬事過眼前何一非虛假昨日花正開今日花  
已謝多少利名人奄忽隨物化斯理由自然賤業豈行詐我  
徐思其言曲包至味存乾坤本幻境細渺何足論旋將規戒  
意改作笑顏溫此翁弄簫去嗚嗚隔前村

發光觀日出歌

參天萬竹齊舞風浮空翠浪翻重重精廬覺出飛鳥上千盤  
磴道穿玲瓏住持解揖客貌閒語從容備誇海日出規仿畫  
難工三更展孤眺奇景軒窗逢聞言願觀止夕假山蔬供徘徊  
廣殿塵慮斷垂檐星漢窺雕甍峯寂歷夜過半一痕白  
豁扶桑東雲如絮新擘水如銀就鎔如虹初耀彩如火漸燭  
空燦爛破冥晦洶湧驚魚龍海若不愛寶滿輪擎出珊瑚紅  
銅盤金柱少定狀閃閃燦燦直欲令我迷雙瞳往夕繩牀擁

神被軒呵誤入槐安宮槽然習忘造物妙縱有耳目同盲聾  
今來混沌頓盤破軒爽一快平生胸蒲團著壁暫倚倦道者  
鹽沐纔打鐘竹徑靜聞清露滴下山曉色猶朦朧

食豆粥示從姪

炯

筠簋小摘疎雨後糜粥晚炊雜以豆江鄉風味絕可憐菰飯  
藟羹此其又暖香鬱發氣浮浮兒女歡呼抵蒸餠較如白傳  
詠防風舌本清甘得餘漱儒生自奉原菲薄詎必豐肴佐醢  
耐月來戴勝鳴桑陰綠莢垂垂繞畦繡登庖劇喜乍開園采  
過三番猶暢茂釜中未聞然其泣籬下且自撝裾走縱慚每  
夕具雙弓食肉之譏當我甯說與同餐阿買知山田幾畝須  
勤守

過嚴灘

灘前屬玉去來影灘外畫眉高下聲船頂白雲飛不佳一峯  
纔送一峯迎

雨後偕董北樞觀化遊臥龍山

踏春春未去素侶相因依空山過微雨景色開芳菲和風醉  
花骨新暘染苔衣坐對一尊酒頓覺物感稀白雲飛不盡鳴  
禽聒翠微

夜抵蘇州

平江遠近起吳謳夜色空濛轉柁樓枕上不知烟水闊鷓鴣聲  
搖夢到蘇州

海嶼

傍海紛繁出沿沙瑣碎黏身輕纏繞密髻小倣螺尖繞殼蟠  
片固藏頭蔽亦嚴終須防尾擊悔不效泥濘慘待研俶粒撈

先趁釜鹽循聲隨吸取判味但毫纖核品鮮菊泉關懷市價  
廉陶盤登百輩次第指同拈

鄭之翀

字天飛號半桐錢唐人江子  
乾隆丁丑進士官賀縣知縣

張廷俊曰半桐爲翰林院侍讀筠谷先生之子鳳  
承庭訓學有淵源罷官後歷掌麓峯高郵書院

同人集竹裏館卽送張雨邨還天台用李青蓮宣州謝

眺樓別校書叔雲韻

詩翁東去不可留竹間錄別增煩憂吾聞天台拔地四萬八  
千丈直接神僊縹緲之飛樓自古詩人足仙骨清吟吮向清  
遊發盡簪曾不及旬時閉卻西湖一輪月重晤期占大火流  
新篇應得慰離愁芹香桂馥款君住相約同傾藥玉舟

傅文光

字衡玉一字竹溪金華人乾隆  
己卯舉人著東山草堂吟稿

烈女操

烈女義烏樓氏許字同邑朱氏子行結褵而朱氏子  
遠出踰年卒於外女得耗誓以必死已而朱氏又報  
耗不的女且待之一旦聞有賁其夫柩歸者女卽以  
是夕沈於園池父母晨起見池上有夫之年月帖勝  
以絕命詞八章衣囊上下皆固紉不解卧房笥篋封  
誌繡履若干具朱氏聞之上其事於邑宰宰臨其墓  
請表其門

昂昂太山松附之以兔絲兔絲日夜長不藉春風吹少小阿  
母側挿花紅襦裳三五及二八自繡雙鸞鴛男兒志四方妾  
豈及汝詰身是小兒女焉預汝出入天風何飄飄斷蓬何飛  
飛一朝凶問至謂是長不歸摧頽太山松慘惻兔絲意根斷  
醋其心是我死期至家人苦不知謂是由說傳一棺雙素旌

忽已返鄉園  
激激園中池  
翩翩身上衣  
紉衣下連裳  
自沈不復疑  
池中亦有魚  
饑能噉吾骨  
噉骨遂到心  
飲我滿腔血  
尚有繡履綦  
女男各雙雙  
筇篨亦具有  
珮環聲  
將將以奉公  
姑陸離互文章  
死別可奈何  
此恨天地長  
匆匆縣官來  
薦之以曾泉  
泉寒不人熱  
旌汝坊巍然  
女生本知書  
女死亦有詩  
誰將懷沙賦  
表此烈女祠

陳聖修

字念祖號岸亭一號香海居士平樂籍山陰人乾隆庚辰舉人官雲南府通判著益善堂文稿香海

詩草歷

初詩選

宋狀畧曰公居官清廉多惠政賑饑民勤平糶通商賈興學校建書院折獄能平反營仍趙越州以工代賑法修關修廟爲刊甚溥事親孝官蕪湖口迎養太夫人官齋監因築別業傳高年權處兄弟間極友愛戴璐曰岸亭爲先外舅沈倫村先生所得士又爲庚辰同年來京過從最密口不言詩晚幸蕪湖方以九華春柳詩屬和時已久病滇南不赴而歿子廣寧工詩好古因劉伯臺死事難應駙尉効力杭州有集曰露官然

大府不以廢  
官目之也

### 將至湘潭夜泊三江口

地濶江寬水漫流平沙渺渺近滄洲  
因風漁火明還滅浸水星辰動欲浮  
青草湖邊多宿雁荻花岸裏傍孤舟  
愁來更作瀟湘客不是逢秋亦畏秋

### 放衙無事偶作

放衙清暇度城闌每到浮舟攬景真  
古浮洲寺今江帶湖襟

塵外境烟蓑雨笠畫中人機心已澹  
鷗堪狎風氣還淳雉自馴此去尚餘  
幽興在河陽有待種花新

王學濂

字志周一字廉泉號耕壘仁和人乾隆癸未進士官德陽知縣著清愛堂詩稿

### 重九前二日登蓬萊閣

斷壘百尺駕巍臺秋色平分爽氣開  
瀛島星河環北極節接

鼓角壯東萊天低雲影千峯變風急濤聲萬馬來欲把萊莧  
期汗漫振衣身到九重垓

朝宗巨浸奠坤隅記里岵夷列版圖荒徼卽今通歲貊巖疆

自昔控倭奴

北望朝鮮  
東近日本

沙門守望餘烽息估客帆檣落照孤

傑閣若教臨釐道會看春雨長龍芻

徐州道中感懷寄崇明范明府

彭城山色帶斜曛消息頻看海嶠雲蜀客黃樓曾作賦吳蒙  
白袷尚能軍舞衫歌扇因緣薄華髮春燈荏苒分儘把生涯  
赴行役每逢佳節便思君

驚馬投槽又著鞭十年骯髒舊鞍韉依然蕭寺聞鐘客愁對  
清江上瀨船歸夢湖山春社外懷人詩句落花邊范丹心跡  
潛夫論自昔風流得其傳



趙廷璋

字奉襄一字截圃東陽人乾隆丙戌進士官咸豐知縣

樓上層曰成豐苗地土司領之古夜郎界也乾隆二年置縣屬施南府其民稅少土著重巒疊嶂勢大牙錯延華專意撫循休養累年民得盡力開墾以次登籍俗悍不知風教延璋指授以文歲戴與子同考得士為盛以月糧外捐俸恤其家民大感戴與子同考得士為盛以最調天門咸豐民雷之內艱歸民揮涕送之數十里戴璐曰截圃父田老諸生甲戌歲試袖父子試藝質先君問畢語曰文佳俱可一甲戌歲試袖父子試藝質先時東陽無甲榜已八十年人不知截圃果于己卯丙戌皆中第八名自是人皆知截圃云

梁父吟

梁父足高吟隆中長抱膝祇為三顧行非為三分出

沈映桂

字大林一字咏樓錢唐副貢生著香粟齋詩鈔

辛巳早春龔三深甫有維揚之行詩以贈別

惆悵良朋事薄遊片帆飛處指揚州杏花春雨憑收拾大好

題詩滿寺樓

由來客舍劇蕭條回首鄉關入夢遙  
欲解離羣多少恨春風  
春雨問紅橋

盧潮生

字信波號鳬嶼東陽人仁和籍  
乾隆庚寅與元著半畝詩草

陳焯曰鳬嶼本東陽雅溪人自高祖遷杭積德行義世  
以醫濟人祖更有名鳬嶼以祖宗為重彙有三峯志蠅  
頭細字數易稿成餘姚盧學士文昭為序稱其稽核事  
行搜羅藝文足以振正夫先生之墜緒云惜未覓其志  
而卒

雨中懷兄東園

十笏幽棲地聯牀記舊云一菴空坐雨三載  
悵離羣鳥影下  
墨華溪光亂晚雲明當攜盃至相對話斜曛

潘成年

字懌亭號杏帘新城人乾隆甲午舉人

洪耀曰杏帘為邑中名諸生性詠諧詩文每多新穎嘗  
與杭太史董浦齊宗伯次風遊其芳園十詠餘余家時  
所作也

小園

屋側園林小依然庾信家山皆當面起牆以及肩遮冬菜連  
勝熟春衣帶荷斜兒童栽月季開遍四時花

桂延蘭

字海洲慈溪人瀟子乾隆甲午舉人著虛筠詩稿續稿印月草堂詩集

清明日過亡婦周氏墓

墓草愁看雨後新空山啼鳥又殘春泉臺夜冷相如意猶是

生衣獨卧人

時長延

字雲葉號曼亭仁和諸生以耆年應乾隆甲寅恩科鄉試欽賜副貢生著見末山房學詩偶存

署後晚步擬託席給事寄書

梅雨新晴翠滴巖官衙有客欲張帆人間索句思尤刻詩老  
看山眼愈饒深樹夕陽啼鳥雀斷巖幽徑遶松杉洞庭西去  
無多遠好寄蘇臺書一緘

黃雲章

字德漢又字景憲號網齋黃巖貢生

成學標目綱齋長身恆現終日伏几案致書亦為僕所  
文務精思試尚冠羣貢後設徒溫之白溪遺稿數佚無  
覓

天台赤藤杖歌

坡公昔重枕柳枝雲猷舊種葡萄樹冷冷金策振空山惜哉  
未盡興公賦八重縹緲蓮花峯紫霧丹崖掩晨暮赤藤嶠鬱  
蒼崖巔飽閱滄桑不知數甫里見賞文黜然截之不恤山靈  
護山人昨日凌巉巖誰為扶我青雲步得斯真自詫靈奇莫  
晒規圖方竹誤只愁風雨來前溪却趲雲深化龍去

范永潤

字吳雨鄞縣貢生官詹稽訓導著洗竹山房詩選

天章寺

天章寺裏杖藜停一帶寒烟鎖石屏曝背老僧忘世事詫余

何故問冬青

黃聚奎

字殷仲鄞縣諸生著聚齋詩稿

食笋

草木勁直莫如竹天生此物非果腹卽以食論亦殊常錦繡  
初苞潔勝玉食蓼則辛荼則苦古人下筋慎所欲若云食物  
能移人日啖當令腸勿曲

宋

岳

字稼原海寧人

咏蟠香和朱古心

學水作迴紋窗牖裊翠雲能傳心晝夜不惜意氣氣雅竝蘭  
言吐清疑墨韻分每憐荀令去尚剩博山熏

郭夢元

字秉忱號雪鴻海寧歲貢生著吟安軒詩鈔八卷

俞寶華

字夢元德清訓導未抵任卒

訪張舅參不值歸途過而却寄

武原城上啼春鳥，烏夜村中訪故人。  
十載名園勞夢想，一時交臂失情親。  
小橋流水舟橫渡，細雨斜風客墊巾。  
他日重過君在否？芒鞋何惜往來頻。

羅

福

字體占初名以靜號諱齋  
晚號傷月山樵新城諸生

對月

明月挂簷楹，皎皎萬里情。  
誰其愛良夜，共此金波清。  
理周遠近，一意愜物我。  
平披襟坐相對，渾然忘虛盈。

袁夢化

字文經號臥村餘縣  
諸生著秋村詩草

偶成

杜鵑聲裏日初斜，茅屋林間三兩家。  
長短春情懸柳線，瘦生詩骨鬪梅花。  
釀成好酒常留客，編得疎籬待種茶。  
小立風前

渾不俗遙山幾處斷雲遮

李秀銘

字希湯一字泗溪東陽諸生著褒忠錄四卷願學齋集二卷笏山草堂集四卷

吳國燁墓志畧曰泗溪父諱俊道構樓藏書延名師以課子弟有來學者迴廊曲檻几席牀蓐罔不具泗溪面古苑今每發一論駁詞厲氣溢山眉宇嗜飲酒至五斗不醉軀幹魁偉嘗與之遊杖武揚見所舉就三百觔石泗溪曰勇如資育當舉千觔此何足為壯士程即提其石自欄內擲之於欄外衆皆大駭

陳無軒學博湘管圖查韻

無軒之竹竹匝屋無軒之屋屋依竹朝朝暮暮坐對此時一風生間戛玉山西明經嶺平采是據湘管齋中綠樊桐山人近作者一再圖之韻岩谷圖成第二夜第三各自本來真面目畫樣翻新適得古詩如其畫以爭錄關叠強韻到八九儘有文言能道俗每作一詩闕一界船棹武夷綠而曲邇聞至人因貧病居卽有竹食無肉五湖三泖道阻修般騎恨無今

弦穆

施承烈

字奉義號萊村仁和

朱文藻曰施萊邨爲予女夫之從叔如阜徐觀政湘浦爲寧紹通副萊邨客其幕予因時與往還湘浦主持風雅時招武林諸吟朋觴詠西湖萊邨必預其會今歲丁巳萊邨就武林諸城南夜半火作倉卒不得出關門死者九人萊邨與焉天之旼貧士荼毒如是亟往哭其靈詢諸嗣君以遺稿幸有手鈔一册不盡付之煨燼卷中經表簡齋所點定予畧撮其尤錄於編嗚呼以萊邨之才而遽嬰奇禍以促其詩之入錄豈予意料之所及哉

酒市

姓氏識黃公愁城望欲空  
價高三日雪影亂一竿風  
綠柳前村見紅橋小市通  
尋常行處好醉眼認西東

聞蟬

歸夢頻驚覺蟬聲唱晚涼  
寧關風力健爲寫客愁長  
人世幾黃葉故園多白楊  
一枝遙托處猶自滯他鄉



同人東篁山看桃花避雨李氏山莊茶話

青鞋三五共尋花花映溪光繞岸斜萬種愁消芳草路十分  
春在野人家牛歸壠上迷紅雨驚起橋南落絳霞仙塢柴門  
容客叩殷勤汲井爲烹茶

山下有  
斑竹泉

將有紫狼之行湘浦持畫雨樓冊子索題

連朝積陰霽暫雨恣灑沃媚茲幽居情憑高得奇矚川明和  
氣動草木競華縟拂檻柳千條烟縈衣盡綠登臨勝臥遊好  
景遠塵俗羨煞畫中人徜徉清興足嗟予別思催腸斷春波  
曲相望隔雲山無因同剪燭屈指牡丹期歸來謁芳躅清話  
竭朋儕一醉鸞花續

壬寅除夕

年光如過客客裏過頻頻爆竹狼山夜梅花雉水春科名嗟

老大世味飽酸辛兒女椒盤頌來朝四十人

黃

基

字玉階一字春圃仁

黃模曰玉階於予為疏族其明姚子之從母也姚夢食  
挑甚香遂生玉階弟曰聖階皆明慧絕人不承年玉階  
歿于乾隆癸巳年甫二十有七春漪搜其遺稿屬翟晴  
江先生定為春圃遺草二卷凡百六十篇癸巳暮春  
模與吳穀人姚春漪訪于鄭家橋玉階之居謂其近作  
有廿載功名磨鐵硯一春風景又揚花之句時玉階已  
病歿矣同人問之雖然果于是秋下  
世今集中無此句蓋其遺失者多矣

秋草和梁兼士

無復茸茸襯落花玉人珍重感年華  
寒生簾閣初歸燕冷逼池塘欲禁蛙  
采綠愁經霜一畚拾鉗記到路三叉  
憑誰寄語秦淮客老盡蘅蕪尚別家

舊遊猶憶踏青莎歸路時聞緩緩歌  
金谷園荒烟乍合黃花戍遠夢偏多  
定憐書帶青如許爭奈裙腰綠似何  
莫向望春

門外望西風滿目水微波

九月二十一日陪翟晴江先生泛舟西湖至赤山埠

謝公癖登臨不受塵鞅紕昨因山僧期佳興遂一決而我得  
從遊喜甚屐齒折是時風斂霧天水共澄澈扁舟截鏡面去  
若飛鳥瞥茗茗西南峯一一屏障列翠色紛相迎青眼望不  
竭遂泊定香橋前山弭清節

湯雯榮

字翠擎仁和監生官開平縣尉

胡東蒙曰翠擎幼工制義隨父對松黃門於京邸以國  
子生應順天鄉試屢不得志後因方畧館議叙出為縣  
尉平生喜論詩雖屈抑下僚而吟咏自若嘗記其過  
嚴陵釣臺有秋風令放裝之句後歿粵中詩稿盡佚

水碓

軒輦造杵臼亦以息民勞山人廣遺意水利窮深坳溪流猛  
有力石堰固且高支分導別派勢匯觸飛濤乘利當衝要制

器象桔槔鉅輪運環環白水接滔滔團警滿月躍響答飢鴻  
號數尺練新漂萬斛珠分跳輝亦重啟閉轄或微塗膏二杵  
逸以待橫軸亟相遭仰如雞司晨俛如馬歸槽雷聲轟雙耳  
塵溺沒二毛魏舒少自守德耀苦親操或擣萬杵藤裁扇供  
揮毫或舂千箱米炊玉飽貪饕晝夜機不息遠近勢莫逃鋌  
明映漁爨地仄方江砌上架風折木周隸宵索綯雨雪蔽頗  
密草竊防寧牢畫但執妾婦冗則司兒曹利用各書日赴期  
如聞礬智巧奪造化力省趨耕陶想見物土宜可以補風騷

湯羹采

字續如  
仁印人

湯禮祥曰先叔早歲能詩伯祖對松給陳  
期其遠到惜未三十而歿篋中存稿亦少

齋居

坐卧儵然日欲斜茅齋迤趣靜中賒粘牆半褪初生蝶隔葉

遲開小朵花斂局不須勞筭切停毫無復事塗鴉端居自笑  
渾疏嬾小鼎迎風候煮茶

張寶鶴

字仲謀號雲  
錢塘人

悟門詩話錢塘張仲謀自號雲汀居士又號堯峯蕭疏  
曠達不矜細行酣飲狂吟惟意所適人或訾議之不顧  
也受知怡邸堯峯沒納齋主人刻其詩以傳如花能入  
夢成香國醉可名鄉續酒經青錢落杖容沽酒紅袖歸  
家學跨驢不啻白爲鄉續酒經青錢落杖容沽酒紅袖歸  
江上云江上起愁心愁風更愁水安得真莫愁手搖  
艇子舟中云征蓬此夕下清淮歸夢迢迢去鷗鷺夜半  
月明驚夢破攪聲疑是雁飛來前二語絕不用意歸重  
一結法  
出唐人

送施茗柯之四川榮經任

施侯文章伯出宰山水縣叱馭自古然誰能量近遠春風動  
高旌旭日開芳甸悠悠計征塗歷歷想行店赤甲天下雄錦  
江直於線蠶叢何樵蕘草木鬱葱蒨劍閣羅峻屏縈紆拂雲

棧萬景摹不盡收拾富詩卷知公理大邑小鮮等烹膳揮絃  
歌嘯餘坐令民物變時清無螭虔況乃成政善宴寢清香凝  
書畫燹天焰巴陵洞庭東咫尺萬里見奕奕蟠銀鈎龍蛇縮  
裁獻文章藝且兼吏才多益辦筆補天無功仁風手潛易由  
來騰驥駿百里不足絆奏最書上上超擢得轉盼與公鄉井  
同獨乏杯水儻作詩以贈行雕蟲愧黃絹

張

淇

字漪園號竹坡又號石農  
錢唐人著吟蟲集四卷

朱文藻陰蟲集序畧曰竹坡先生書名重于時罕有知  
先生能詞者生平遊跡所到題咏贈答皆不置稿如白  
秋海棠云莫向秋風苦羞澀至人原不愛臙脂詠松云  
江海蕭蕭風雨夜倚窗只聽老龍吟米山云欲借頑雲  
封谷口不教車馬到閉門皆託意深遠耐  
人咀味而與世枘鑿之概亦然寓其中

春日山居禱興

山桃花發柳初眠卻喜棲遲遠市廛幾處草長圓粉蝶一天

雲淨度風鳶籬門半掩仍通客野水分流竟入田此地風光無限好莫嗤雨令老林泉

吳懋蕃

字衍瑞一字叔都東陽監生  
著牛齋稿南遊北遊未定稿

次徐孝廉

時泉

韻奉答

片雲送客太行西縹緲山光入望低馬踏江南新月色衣沾冀北舊春泥只知好雨滋萱茂不道酸風撼樹淒千載與君同此恨當筵忍聽乳鴉啼

傅調梅

字郁文號補堂會稽  
藏貞生著補墨軒集

越風編墨詩上于七律宛然溫李  
僅錄數篇嘗其一齋可知全鼎

春日郊遊

人家漸喜隔塵囂郊外春山望不遙寒日村莊喧社鼓夕陽樓閣倚陽簾柳陰含北新漁汊花信江南舊板橋雙槳湖邊

曾有約波平還擬放蘭橈

章汝桐

字翠川會稽諸生著翠樓詩鈔

春日寄懷

吳山楚水雨縈紆雲樹蒼蒼落日孤  
我有相思似春色東風吹滿綠瀟湖

王

模

字魯望蕭山人著蠡餘小草

紫英口曾望與韓輓同時交好工詩文幼年失怙弱冠卽幕遊梁豫藉以養母作詩有法如許良道中云金九  
擢口將紅柿翠薰參雲半綠楊梨花云粉靨凝珠經雨洗冰魂夢月開窗幽片石單山雖未覩其全亦不失爲吟咏之士以子紹蘭成進士贈文林郎

滁州道中

一入滁州道羣峯面面環五更盤磨嶺匹馬度關山柳驛神  
花古龍橋鐵鎖閒醉翁亭畔月偏自照愁顏



方志維 字蜀鳳 金華人

棲真敎院飛來峯歌

君不見武林靈鷲峯  
 挿天神工鬼斧窮雕鐫  
 風雷一夕動千  
 佛脩爾東走金天仙  
 奇岩怪石紛參錯  
 寸碧飛來山一角  
 竅呀擁腫拳曲枝  
 棱穿瑣碎續紛萼  
 節逢天貺遊人多  
 雜然丈拜巖之阿  
 天花旋空碧雨墮  
 疎紺葉樹翻藤蘿  
 蒼蒼蘚紫石瑪瑙  
 海上三峯此更好  
 願得精感夸娥誠  
 揭向家園用娛老

郭象泰 字景然 一字岱峯 金華人 著閒吟集

樓上層曰岱峯九歲失恃哀毀骨立 緣此遂得心病所著閒吟集已佚

有懷嘉禾朱笠亭先生 跋

雲黯花飛帳背遊巖城  
 春老碧烟流錄詩已  
 數千年事 先生

在部  
 民金華詩錄於小傳  
 宰縣胡驚百里侯  
 先生去夢為阜院靜

竹風嗟舊雨窗籠梧月認新秋心香一瓣拋寧得鹿洞薪傳  
倘我輩

陳文烈

東陽人

蠶婦行

去年蠶少剛采桑今年蠶多先采柘社日浴得溪頭種怕雨  
怕風怕寒夜細葉乍吐難盈筐未成老綠猶嫩黃宿火篝燈  
夜起視何日萬樹陰垂牆勿勿暮春隣首夏頭髮蓬鬆走奔  
馬腹楊賒得隣米來我是賣却新絲者腳踏繰車手箸盆競  
道如雪抽紛綸官租要償簪未畢典衣付與差來人翁姑椎  
心兒女泣圖製新衣仍不得悲哉賤妾年復年慣是蠶家無  
尺帛

曾儒璋

字玉西號瓊圃永嘉貢生官興泉永道著依綠園詩草

兩所曾下系

卷三左方志雜郭象泰陳烈曾儒璋

民

送曹印浦再任應山川

愛君昔日惠嘉師竹馬兒童信有之行部隨春花競發放衙  
無事吏先知風清醫序開新席雨潤桑陰長舊枝最喜輕車  
逢故道不須重賦論民詩

湯鷟

字韓齊號諫堂仁和人乾隆癸未進士官吉南領寧兵備通

湯禮祥曰吾家先世官江右者率以循吏見稱從祖其一也平生長於聽訟案無留牘舞文吏皆惡納奉行無敢禦法廢除豪猾尤見國力江右至今頌之

促織吟

促織鳴聲淒切嬾婦不驚勤婦泣木棉價比湖絲高機杼長  
拋布斷絕布斷絕砧杵歇殘燈孤館聲聲急路上行人聽不  
得

月夜江上聞笛

渺渺寒烟外長江萬里流美人隔天末落月照孤舟雁叫蒼梧野猿吟白帝秋不須聞玉笛離思滿滄洲

俞廷樾

字有堂餘杭監生元任係

朱文藻曰廷樾敦孝友力肩仰事俯育俾兄若弟壹意上進履仕中外無內顧以弟廷樾官封渭南知縣

雨

孤館竟滂沱連宵意若何那堪愁緒滿更雜漏聲多寒重燈無色溪鳴水有波羈人渾不寐雁陣幾回過

東關文昌閣

奎樓高與塔山齊湖鏡涵南柱列西結聚禹航形勝好文淵樂繞出茗溪

沈可培

字養原號向齋嘉興人乾隆壬辰進士官安肅知縣著依竹山房詩集

湯禮祥曰先生入歲入家塾能以陰陽不雜解乾坤二卦初宰上高其地有界埠險峻難行遇風雨有顛路至

兩折前軒錄

卷三十五

湯禮棠俞廷樾沈可培

吳

死者先生捐俸刻平之人呼  
爲沈公嶺其他善政多類此

銅爵臺

山邱華屋揔塵埃千古銷魂鄴下臺  
帳外餘香寒欲燼簾前清吹暮生哀  
西陵夜月飛烏鵲玉座春風繡綠苔  
妙妓含情空賣履何勞還鎖二喬來

金谷園

絕世繁華一夢過酸腸猶唱懊儂歌  
且聽玉笛三更咽未覺駸珠十斛多  
日煖池塘輝錦障夜寒門巷湧青螺  
春花不管齊奴恨猶向新源笑逝波

朱繼詒

字康侯號慢亭桐鄉諸生

朱爲弼曰慢亭先生伯學有根柢作文援筆千言立就詞  
亦清麗克承家學惜鄉閭風薦不售年未四十而卒  
方廷璣曰慢亭先生當屬先君繪月波吹笛圖自題一  
絕於上以要和者亦二句云搖入藕花最深處翩然飛

起兩開鷗鷺閒澹蕩  
之致可想見一斑矣

過陳應雷讀書天寧寺

故人多愛靜寺裡著書牀月上聞仙梵風來佛佛香開軒延  
舊雨卷幔話新涼咫尺鴛鴦渡綠緣流意不忘

偕同人遊南山汪氏園

捫蘿盤磴上曲逕入南屏泉瀉雲中白峯攢雨後青鐘聲流  
暗壑琴韻起寥汀淅水崖碑在摩挲等石經

送金佩和還江寧

溪橋分手帳前期咫尺林泉繞夢思別後懷君定何處月波  
吹笛夜涼時

兩浙輶軒錄卷三十五

兩浙輶軒錄卷三十五

朱維禎